

COMUNICATO n. 447 del 21/02/2023

Traduzione in ladino

Mendranzes linguistiches, aproà l program de intervenc per l'informazion per più che 396 mile euro

Aproà l program di intervenc per l'informazion per lengaz de mendranza per l 2023, aldò del parer obligatorie dat ju da la Conferenza de la Mendranzes te l'ultima sentèda dai 16 de jené e do da la spartijon de la quotes del fon provinzièl per l stravardament di popui de Mendranza. En dut l é stat metù a la leta 396.480,20 euro, per l nef Pian, che l à na regnèda de un an.

“Se trata de arseguirè che sun nosc teritorie sibie a la leta mesi de informazion per lengaz de mendranza, col favorir l'inovazion tecnologica e sie sparpagnament ence fora dal tegnir de la provincia – à dit l president de la Provincia autonoma de Trent Maurizio Fugatti. “L program l é stat metù ju, aldò di criteries ogetives e tegnan cont del valor che i mesi de informazion à per la cognoscenza, la difujon e l prestije di lengac de Mendranza te la desvaliva comunanzes”, à despiegà amò l president, dijan che “via per l 2023 l é pervedù n stanziament de etres 33.700 euro per meter a la leta ti teritories de Mendranza canai per lengaz mochen, zimber e ladin, tras n servije sperimentèl HBBTV”.

Per chel che vèrda l sistem radiotelevisif per lengaz de la mère, aboncont, ge é jà stat dat su na encèria per n an acioche la val di Mochegn ciape la trasmiscions de la rees del post.

Chisc l é i intervenc troé fora, dessema coi sogec che i cognarà i meter en esser, a sostegn di mesi de informazion per lengaz de mendranza 2023:

- na piata ogne chinesc dis per mochen “Liaba Lait” sul sfoi local per endrez del Istitut Mochen/Bersntoler
- Kulturinstitut (publicazion de la piata amancol 20 outes al an);
- na piata ogne chinesc dis per zimber “Di Sait vo Lusérn” sul sfoi local per endrez del Istitut zimber/Kulturinstitut Lusérn (publicazion de la piata amancol 20 outes al an);
- notizièr ogne setemèna per mochen “Sim to en Bersntol” su emitenta locala per endrez del Istitut mochen/Bersntoler Kulturinstitut (48 edizions al an del notizièr);
- notizièr ogne setemèna per zimber “Zimbar Earde” su emitenta locala per endrez del Istitut zimber/Kulturinstitut Lusérn (48 edizions al an del notizièr);
- slarièr fora l notizièr zimber “Zimbar Earde” sun duta la zona zimbra, tout ite i set comuns del altopian de Asiago e di 13 comuns de la Provincia de Verona per endrez del Istitut Zimber/Kulturinstitut Lusérn;
- corsc de Zimber a la leta te la sezion e-learning de l'area “Mediateca Zimbra” del sit del Istitut per endrez del Istitut Zimber/ Kulturinstitut Lusérn;

- sfoi per zimber “Da Foldjio” per endrez del Istitut cultural zimber de Luserna/Lusern (amancol 2 edizions del sfoi de 48 plates per ogneun);
- boletin del comun per mochen ““Bersntoler zaitung” per endrez del Comun de Palù del Fersina/Palai en
- Bersntol (comun capogrop di trei comuns mochegn) (1 edizion de 36 plates del boletin);
- produzioni televisives per ladin per endrez del Comun General de Fascia (prodoci televisives per TV Ladina su youtube o su de etres canai);
- stampa e editoria ladina per endrez del Comun General de Fascia;
- trasmissions radiofoniches per lengaz ladin per endrez del Comun General de Fascia (enjignèdes da Radio Studio Record da Cianacei e da l’Union di Ladins de Fascia);
- sfoi de ogne setemèna “La Usc di Ladins” per endrez de la sociaziòn “Union Generèla di Ladins dla Dolomites” (per la redaziòn e la spediziòn del sfoi per Fascia).

Traduzion di Servijes Linguistics e Culturèi del Comun general de Fascia

(cdt)